


Si Samuel Mipili sa Pag-alagad Kang Jehova

1 SAMUEL KAPITULO 1-3

BISAG BATA PA SI **SAMUEL**, SIYA **NAZAREO** NA. WALA SIYA SUKAD MAGPAPUTOL UG BUHOK, UG SIYA NAG-ALAGAD KANG JEHOVA SA **ESPESYAL** NGA PAAGI.

ANDAM KA NA BA **SAMUEL**? DINHI KA NA MAGPUYO SA **TABERNAKULO** UG MAG-ALAGAD KANG JEHOVA.

ANDAM NA KO MA. PERO **MINGAWON** KO NINYO!



MINGAWON POD MI NIMO DONG! PERO NAHINUMDOM KA BA NGANONG **DILI KA** **ANGAYNG MAHADLOK?**



OO. KON MAGPABILIN KONG **SUOD KANG JEHOVA**, DI KO NIYA PASAGDAN.

AKO SI **ELI**, UG HATAAS NGA SASERDOTE KO. **PANIID** UG MAAYO DONG KAY INIGDAKO **NIMO** MAO NA POD NAY IMONG BUHATON!



PAGLABAY SA MGA TUIG, SI SAMUEL NAKAMATIKOD NGA **DILI TANAN** SA TABERNAKULO NAHIGUGMA KANG JEHOVA. BISAN GANI ANG MGA ANAK NI ELI NGA MGA **SASERDOTE, DAOGDAOGAN UG DAOTAG MGA BUHAT.**



ANG MGA ANAK NI ELI **WALAY PAGTAHOD** KANG JEHOVA, **NANGAWAT** SILA SA MGA HALAD NGA PARA KANG JEHOVA, UG NAGBUHAT UG **IMORAL**. PERO WALA SILA **BADLONGA** NI ELI, BISAG GIPASIDAN-AN SIYA SA USA KA PROPETA NGA SIYA SILOTAN NI JEHOVA UG ANG IYANG PAMILYA.



KADA TUIG, SI SAMUEL DUAWON SA IYANG GINIKANAN UG HATAGAN SIYAG BAG-ONG KUPO.

MA! PA!
GIMINGAW KO
NINYO.

UNSA MAY
IMONG
PROBLEMA
DONG?

MA, MIINGON KA NGA
BALAANG DAPIT ANG
TABERNAKULO. PERO
ANG UBANG TAWO DINHI
NAGHIMOG DAOTAN.

PERO BASTA
MAGPADAYON KA
SA PAGBUHAT UG
MAAYO . . .

NANINGKAMOT
KO MA.

NAKASABOT KO
DONG. SI JEHOVA
SAB NAKASABOT
NIMO. NAKITA NIYA
ANG TANAN.

KANIADTO MIBATI
POD KOG KAGUOL
KAY DILI KO
MAKAPANGANAK.

PERO GITUBAG NI
JEHOVA ANG AKONG
PAG-AMPO KAY IYA KANG
GIHATAG NAKO! SI JEHOVA
MOTABANG GYOD SA
IYANG MGA HIGALA.

PAG-AMPO KANG
JEHOVA NGA IYA
KANG TABANGAN,
UG KAMI NI PAPA
NIMO MAG-AMPO
POD PARA NIMO.

HUSTO KA
MA. SALAMAT.

SI SAMUEL NAGDAKO NGA MATINUMANONG ALAGAD NI JEHOVA. SA TABANG NI JEHOVA, SIYA MALIPAYON BISAN PAG ANG UBAN NAGHIMOG DAOTAN.



USA KA ADLAW, GISUGDAN NI JEHOVA PAGGAMIT SI SAMUEL SA ESPESYAL NGA PAAGI. SIYA NAKIGSULTI KANG SAMUEL.



SAMUEL!



SULTI, KAY ANG IMONG ALAGAD NAMATI.

KAY SI SAMUEL MIPILI MAN SA PAG-ALAGAD KANG JEHOVA BISAG ANG UBAN WALA, GIBANSAY SIYA NI JEHOVA UG GIGAMIT SA TALAGSAONG PAAGI.

UNSAY ATONG NAKAT-ONAN NIINI NGA ESTORYA?

NGANONG NALISDAN ANG BATANG SI SAMUEL SA PAG-ALAGAD KANG JEHOVA?

CLUE: 1 SAMUEL 2:12, 17.

NGANONG GIPILI NI JEHOVA SI SAMUEL NGA MAHIMONG PROPETA?

CLUE: 1 SAMUEL 2:26.

BISAG ANG UBAN NAGBUHAT UG DAOTAN, NGANONG MAKAPILI KA SA PAG-ALAGAD KANG JEHOVA?

CLUE: SALMO 26:9-12.